



REPUBLIKA E SHQIPËRISË
MINISTRIA E EKONOMISË KULTURËS DHE INOVACIONIT
DREJTORIA E PËRGJITHSHME E STANDARDIZIMIT
DREJTORIA E ÇËSHTJEVE LIGJORE DHE MARRËDHËNIEVE ME PALËT

Nr. 73 prot.

Tiranë më 13/2/2025

Lënda: Dërgohet raporti i monitorimit të buxhetit të DPS-së për vitin 2024.

MINISTRISË SË EKONOMISË KULTURËS DHE INOVACIONIT
DREJTORISË SË BUXHETIT DHE RAPORTIMIT FINANCIAR
Tiranë

1. Hyrje, përshkrimi i institucionit

Drejtorja e Përgjithshme e Standardizimit (DPS), si Organi Kombëtar i Standardeve në Shqipëri, është përgjegjës për organizimin dhe zhvillimin e gjithë veprimtarisë kombëtare të standardizimit, me qëllim plotësimin e nevojave të palëve të interesuara për standarde teknike për të gjitha fushat e ekonomisë.

Misioni i punës së veprimtarisë së standardizimit është të sigurojë plotësimin e nevojave të të gjitha palëve të interesuara (industria/biznesi, tregtia, autoritetet publike, ambientalistët, konsumatorët, SME-të, akademia) për standarde teknike bashkëkohore në të gjitha fushat e ekonomisë, në mbështetje të konkurrueshmësisë dhe reduktimit të Barrierave Teknike në Tregti.

Qëllimi është të rrisë nivelin e sigurisë së produkteve dhe proceseve, në mbrojtje të shëndetit e jetës së personave, kafshëve si dhe mjedisit.

Këto janë materializuar edhe ndërmjet qëllimit të programit 04160, i cili është: Mbështetje për mbikqyrjen e tregut, infrastrukturë cilësie dhe pronësi industriale

Për përmbushjen e sa më sipër, objektivat e DPS janë:

- Të përafrojë legjislacionin kombëtar me legjislacionin evropian dhe rregulloret evropiane të standardizimit (ETSI, CEN&CENELEC) dhe ndërkombëtare (ISO dhe IEC).
- Të zbatojë dhe rishikojë të gjithë paketën ligjore për proceset e integritit në fushën e standardizimit.
- Të organizojë dhe drejtojë punën për progresin në adaptimin e standardeve evropiane dhe informimin e ndërgjegjësimin e operatorëve ekonomikë dhe palëve të interesuara për rëndësinë e standardeve
- Të mirëadministrojë Sistemin e Menaxhimit të Standardeve (SMS), shitjen e tyre dhe mirëfunksionimin e Autoritetit Kombëtar të Notifikimit dhe Pikës së Referimit në OBT dhe CEFTA. Të funksionojnë sa më mirë strukturat e DPS (Bordi Drejtues, Bordi Teknik dhe Komitete Teknike)

Produktet sipas Programit : Mbështetje për mbikqyrjen e tregut, infrastrukturë cilësie dhe pronësi industriale me kod 04160, janë Standarde evropiane dhe ndërkombetare të adoptuara, miratuara si SSH si dhe Shitja e Standardeve.

2. Informacion buxhetor

Në mbështetje të Ligjit nr. 9936, datë 26.06.2008 "Për menaxhimin e sistemit buxhetor në Republikën e Shqipërisë", i ndryshuar, kreut VIII, nenit 65 "Monitorimi", Udhëzimit nr. 9, datë 20.03.2018 "Për procedurat standarde të zbatimit të buxhetit", në zbatim të Udhëzimit nr. 14, datë 30.05.2023 "Për procedurat standarde të monitorimit të buxhetit në njësitë e Qeverisjes Qëndrore" për periudhën Janar – Dhjetor 2024 janë planifikuar dhe shpenzuar fondet buxhetore të ndara në dy periudha, janar –mars dhe prill – dhjetor 2024

Referuar shkresës së Minsitrisë së Financave Nr. 2917/1 Prot. datë 12.03.2024 "Kthim përgjigje" kodi i Drejtorise se Standardizimi ishte 1010281 deri ne 31 Mars 2024 dhe behët 101211 nga Prilli 2024.

Me anë të shkresës Nr. 973/1 Prot. date 26.02.2024 "Detajimi i limitit mujor per vitin 2024"

Tabela 1. Akordimi i fondeve buxhetore për vitin 2024 dhe realizimi Janar- Dhjetor 2024.

Në 000 / lekë

Nr.	EMËRTIMI	PLAN BUXHETI 2024	FAKT JANAR-MARS 2024 (kodi 1010281)	FAKT DHJETOR 2024 (kodi 1012111)	REALIZMI VJETOR 2024
1	Paga	22,500	4,871	16,811	21,682
2	Sigurime shoqërore	3,700	754	2,681	3,435
3	Mallra e shërbime të tjera	3,500	381	2,064	2,445
4	Transferta Korente të Huaja	11,000	4,169	3,479	7,648
5	Trans per Buxh. Fam. & Individ	328	4	315	319
6	Investime	1,500		792	792
	Totali	42,528	10,179	26,142	36,321

Fondi i planifikuar buxhetor për vitin 2024 për DPS me shtesat dhe pakesimet gjate vitit 2024 është në shumën 42,528 mijë lekë (tabela 1). Referuar shkresës së Minsitrisë së Financave nr. 4211/2 Prot. datë 19.04.2024 "Miratim limiti" fondet në zërin Shpenzime personeli 6009999 dhe në zërin "shpenzime Operative 6029999 kaluan nga kodi i vjeter 1010281 tek kodi 1012111.

- Struktura aktuale e DPS e miratuar me urdhrin e Kryeministrit nr. 142 datë 26.09.2023 "Për një ndryshim në urdhrin nr. 182 datë 26.12.2018 "Për miratimin e strukturës dhe të organikës së Drejtorisë së Përgjithshme të Standardizimit", është me 15 punonjës.

DPS gjate 4-mujorit të 2-te 2024 plotesoi dhe 2 pozicione vakant të nivelit - Specialist IV-2 duke plotesuar te gjitha vakancat në institucion gjate vitit 2024 .

3. Performanca me bazë gjinore, në nivel produkti

DPS në bashkëpunim me organizmat ndërkombëtarë aktivizohet për të rritur vendimarrjen e grave në fushën e standardeve dhe ndjek cdo iniciativë për respektimin dhe përfshirjen e nevojave të tyre në hartimin dhe adoptimin e standardeve .

4. Performanca e Buxhetit

Për vitin 2024, DPS ka realizuar fondet buxhetore në vlerën 36,321,000 nga 42,528,000 lekë buxheti i vitit 2024, ose 85.4 % të buxhetit vjetor.

Të ardhurat nga shitja e standardeve

Për vitin 2024 numri i standardeve të shitura është **754 nga 600** të planifikuara për periudhën 1 janar -31 dhjetor 2024, shoqëruar me realizimin e të ardhurave **1,604,126 lekë**.

Standardet më të shitura i përkasin fushave:

- Fruta, perime dhe nënprodukte të tyre;
- Analizat e produkteve ushqimore - Materialet në kontakt me ushqimin;
- Cilësia e ujit, ajrit dhe tokës;
- Siguria e makinerisë dhe siguria ndaj zjarrit;
- Beton dhe produkte që lidhen me të. Automatizimi, menaxhimi dhe aksesoret në ndërtim.
- Produkte naftë, lubrifikantë, qymyre dhe produkte që lidhen me to;
- Bioteknologji dhe mikrobiologji; Qumësht, mish dhe produktet e tyre Siguria e makinerisë dhe siguria ndaj zjarrit;
- Dokumentacioni dhe informacioni.
- Pajisjet e përdorimit të gazit të lëngët nga nafta

4.1 Performanca jo-financiare

- **Adoptimi i standardeve evropiane e ndërkombëtare si Standarde Shqiptare (SSH)**

Gjatë vitit 2024 (Janar - Dhjetor) janë adoptuar në total 2,299 standarde dhe dokumente standardizimi si Standarde Shqiptare (SSH) dhe Dokumente Standardizimi Shqiptare (DS) , nga ku 1,213 standarde janë në fushën e Elektroteknikës dhe Telekomunikacionit dhe 1,086 standarde nga të gjitha fushat e ekonomisë,

të cilat të ndara sipas origjinës së tyre janë si më poshtë:

- 793 CEN;
- 394 CENELEC;
- 667 ETSI;
- 293 ISO;
- 152 IEC.

● Disa nga fushat ku Komitetet Teknike kanë pasur numër më të madh adoptimesh në këtë periudhë janë si më poshtë:

- Teknologjia e komunikimit dhe informacionit,
- Analizat e Produkteve Ushqimore,
- Pajisje Mbrojtëse personale,
- Pajisje Mjekësore,
- Siguria e Lodrave,
- Ndërtimit,
- Tekstilet,
- Pajisjet Elektrike dhe Elektronike,
- Siguria teknike dhe Mjedisi,
- Sistemet e informacionit;
- Trupa dhe lëndë druri e sharruar.

Gjatë kësaj periudhe janë përkthyer/përgatitur dhe publikuar në faqen e web-it dhe në rrjetet sociale të DPS mbi 40 artikuj dhe 110 ekstrakte standardesh të fushave, tw cilat janë publikuar në faqen e internetit tw DPS dhe në rrjetet e saj sociale. Gjithashtu, janë publikuar katër Buletine dhe shtojca e Buletinit 97/1, përkatësisht Buletini Nr. 97, Nr.98, Buletini Nr.99 dhe Buletini Nr. 100.

5. Shpenzimet Kapitale

Bazur ne Urdhrin e Prokurimit Nr. 09 datë 26.11.2024 “Blerje, mobilje e orendi zyre për DPS” u realizuan në shumën 292,068 leke, si dhe me Urdhrin e Prokurimit Nr. 07 date 370 Prot. “Blerje pajisje TIK” date 05.11.2024 u realizua në shumën 500,000 lekë.

Pra, shpenzimet kapitale per vitin 2024, te planifikuara ne 2 procedura u realizuan ne shumen totale 792,068 leke.

Ju falenderojmë për bashkëpunimin.

DREJTORI I PËRGJITHSHËM

